

## ¡BOMBA!

Es un deseo sin dolo,  
oído en una antesala:  
quien mandó soltar la bala  
no tiene porqué irse solo



# K'untzil

Miércoles 11 de noviembre de 2020

CAMPECHE · YUCATÁN · QUINTANA ROO · AÑO 6 · NÚMERO 1357 · www.lajornadamaya.mx

## YUCATÁNE' U YÁAX LU'UMIL TU'UX JSU'UT ICH MAASEWAL T'AAN JUMP'ÉEL A'ALMAJT'AAN SÁASILKUNSIK MEYAJ KU BEETA'AL

YUCATÁN, PRIMER ESTADO CON LEY GENERAL DE TRANSPARENCIA EN LENGUA INDÍGENA

### TÁAN U YA'ALALE', TU LU'UMIL INDIA YÁAX YANCHAJ BA'ALCHE'OB JE'EL BIX TS'ÍIMIN

SEÑALAN A INDIA COMO LUGAR DE SURGIMIENTO DE ANIMALES UNGULADOS



Oochel: AP

MADRID. Ichil jump'éeel túumben xak'al xook jts'a'ab k'ajóoltbil *Journal of Vertebrate Paleontology* ku tsolik bix yanik u ch'i'ibalil jump'éeel foosil chikbesik jump'éeel chan sáasil ti'al u yojéelta'al tu'ux u taal perisodáctilos, u múuch'il mamifero'ob, leti'e' tu'ux táaka'an ts'íimino'ob, ríiniseronte'ob yéetel ts'íimin k'áaxo'obe', ku tukulta'al ti' yanchajo'ob tu lu'umil India k'ajóolta'an walkila'.

Maanal ti' 350 úuchben foosilo'ob k'a'abéetkunsá'ab ti'al u beeta'al xak'al xook xáanchaj jo'olajun ja'abo'ob, ts'o'okole' óoli' ku chíikbesik u túulis baakel *Cambaytherium*, juntúul u láak'il ch'eejel ti' perisodáctilo'ob kuxlajo'ob te'e lu'umo'obe' kex 55 millonesil ja'abob paachil.

EUROPA PRESS / P 20

MÉRIDA. Ikil u kaxta'al u chíimpolta'al páajtalil yaan ti' kaaj ti'al u yojéeltik tuláakal ba'ax ku beeta'ale', u mola'ayil Instituto de Acceso a la Información Pública (Inaip) ti' u lu'umil Yucatáne' tu ts'áaj k'ajóoltbil Ley General de Transparencia y Acceso a la Información ich maayat'aan. Tak bejla'e' chéen te'e noj lu'uma' suta'an ich máasewal t'aan jump'éeel A'almaj t'aan je'el bix le je'ela'. Ts'íibe' ku páajtal u xo'okol walkila' tu kúuchil Internet le mola'ayo'.

Meyaje' múul beeta'ab yéetel Instituto para el Desarrollo de la Cultura Maya en Yucatán (Indemaya) yéetel ku taal u chikbes jump'éeel noj xáak'ab ti'al u chíimpolta'al u páajtalil wíinik, tumen táan u kaxta'al u ka béeyak u yojéelta'al ba'ax ku beeta'al tumen je'el máaxake', beey úuchik u ya'alal tumen Aldrin Briceño Conrado, máax ti' k'ubéenta'an u jo'olbesik Inaip.

Briceño Conrado tu ya'alaje', ti'al u páajtal u chúukpajal ku beeta'al ti'al u yutsil kaaje', k'a'anan u táanilkunsa'al wíinik ichil je'el ba'axak ka beetaake', ba'ale' le je'elo' ku óol talamtal tumen ya'ab u jejeláasil máak yéetel kaajo'ob yaan te'e noj lu'uma'.

Beyxan tu ya'alaje' A'almaj t'aane' ku páajtal u xo'okol yéetel u yu'ubal ich maayat'aan, ts'o'okole' le je'ela' jump'éeel meyaj ku ts'aatántik u k'a'ananil u na'atal yéetel u ts'a'abal u yojéelt ti' kaaj kuxa'an walkila', u jejeláasil ba'alob ti'al u yojéelto'ob bix u yúuchul ba'al. Maayat'aane' leti' u ka'ap'éeel t'aanil ku asab t'a'anal ichil tuláakal u noj lu'umil México, tumen maanal ti' 800 mil u túul máak t'anik maanal 5 u ja'abil.

JUAN MANUEL CONTRERAS / P 8